

日本藏中國罕見地方志叢刊

〔萬曆〕

桃源縣志

〔萬曆〕

承天府志



日本藏中國罕見地方志叢刊

〔萬曆〕桃源縣志

〔萬曆〕承天府志

書目文獻出版社

日本藏中國罕見地方志叢刊

〔萬曆〕桃源縣志

〔萬曆〕承天府志

出版 書目文獻出版社

(北京文津街七號)

印刷 民航印刷廠太湖分廠印刷

開本 十六開本 787×1092毫米


定價 陸拾伍元

ISBN 7-5018-0844-6 / K·84

日本藏中國罕見

地方志叢刊

楊殿珣題



出版說明

地方志是我國文化遺產的一個重要組成部分，也是我國古代文化發展史上特有的現象。方志的編撰源遠流長，代有修撰，明、清時期達到頂峰，產生了許多優秀之作。方志的價值也越來越多地為人們所認識，它不僅是編修新志必不可少的基礎和參考，也是今天研究古代文學、民俗學、歷史地理、天文礦藏、古代農業生產、自然災害，特別是明清以來社會歷史發展情況的資料寶庫。

據《中國地方志聯合目錄》不完全統計，流傳至今的歷代方志有八千二百餘種，其中不少流散海外，為日本、法國、美國、加拿大等國所收藏，我國國內僅有存目。為保存祖國文獻，發展民族文化，滿足國內的研究需要，北京圖書館通過各種渠道，主要是國際交換的方式，廣泛查尋、搜集流散於海外的方志，並製成縮微膠卷。我社對這批膠卷進行整理，選取了其中現為日本所藏，國內罕見的地方志近百種，編成叢刊，影印出版。

本叢刊的取舍原則以書的內容價值為主，同時兼顧版本的情況，擇優而從。選入本叢刊的方志主要是明、清兩代所修，其中百分之八十是原刻本；有十餘種《中國地方志聯合目錄》未予記載；另外，有些方志《中國地方志聯合目錄》雖收錄，卻記載有誤。還有個別方志，國內雖有刻本，但版本不精，雖有膠卷，而未及影印，廣大讀者不易得見，我們也選入了本叢刊。

《日本藏中國罕見地方志叢刊》將陸續分冊出版，預計兩年出齊。原則上，每種書為一冊；但是卷數少者數種合為一冊（以地區劃分，歸類相聚，各類中又以修撰時間先後為序），卷數多者一種析為數冊。我們在影印編輯過程中，除對個別明顯錯簡、倒置的地方進行糾正外，其餘則儘量保持原書的面貌。

本叢刊的出版得到了北京圖書館普通古籍組薛英、伍躍、鮑國強等同志的大力支持，楊殿珣先生並於百忙中為叢刊題簽，在此，我們謹致謝忱。

書目文獻出版社

一九九〇年二月

目錄

承天府志二十卷	一
桃源縣志二卷	三八九

承天府志序

當

肅皇帝龍飛之二十一年歲在壬寅

越于今六十年矣時少司空東橋

顧先生以督大工至而守郡則餘

姚景惺念承天改州而郡參于兩

畿與順天應天事相同而名稱

也是不可無志請于

上得 俞旨 命少司空兼撫裁而

郡守劉之開局延賢旁搜邊採

用編纂 彰 興都一志

覽

上謂體裁非是僅報聞猶艱然嘉

諸臣勤勞各進一階也三十年後

而承天大誌成蓋經始于華亭徐

少師而以

肅皇帝睿思獨裁之惺乎偉觀矣

顧事所獨重體有獨尊未遑他及

無論往昔巨麗湮沒靡所考見

當立之缺畝絕續名士鉅卿與風

土物情有能舍里中人而得其梗

概者乎總志則畧而詳邑乘則

漫而無統凡賡茲茲止者不無關

遺之歎哉其六十年間豈無博學

宏識如公孫僑胥臣輩可續吳志者而遜讓未遑母亦官先其事殫精于簿書徵發采掇斯難竟成闕典龍濫等郢都幾二年所委蛇之暇尸曠為慚景高良則勤仰止之思時登覽則感今曩之致勝物理

北平府志序

則興隆替之懷而又重以

龍飛偉蹟官司叢雜未易着手于是竭思盡慮至忘寢食羅之故實採之見在據以舊志數月間彙而成帙凡二十卷首二卷則志

龍飛大畧崇重典也餘十八卷悉如

各府志例即不敢妄意竊取補

熙朝之闕文亦庶幾有志筆削告

吳君成事矣顧其中缺遺紕謬敢

謂盡無要以鞅掌之吏當筆札之

司盾既歎于三長志復分于兩營

其不能事廣文核辭馴義炳固其

北平府志序

所也惟是援昔証茲各有攸宜即

或彼甲此乙亦經偶變責以疎訛

尚猶可委云爾故志成而察土觀

風省方設教或可藉為風勵地而

豪傑之士無惑二典之所自豎則

龍飛政以來所執望者耳倘視

為一郡補遺吳君續貂則無所甘
代庖矣

時

萬曆三十年歲在壬寅八月吉旦
賜進士第中憲大夫湖廣承天府知
府東吳孫文龍謹序



承天府志序

承天故安陸州幅輳僅、其後以封
建顯制度稍崇

肅皇帝由藩邸入繼始改為郡割荆門
諸州邑隸焉比於首善煌、乎登三
輔而王之矣承天大誌紀

龍飛則詳叙文獻則畧蓋各從其重也
夫

王迹所基

帝業斯熾文治既起名世相望乃八十
年來開而不宣夫非守土者之責與
東吳孫守君蒞郡之明年歲賦既去

民乃太和爰輯前聞補茲闕典其筆
削取於獨裁其義例沿於郡國凡五
閱月而告成事不佞適入郢則屬不
佞序之我 國家兩都遞建辟之豐
鎬規模闊遠何論漢京楚當南紀實
維侯服今乃以 湯沐之故進而與
京兆同宮闕不移鐘簴如故是興王
之地磐石之宗也王氣鬱蔥山川拱
衛天運地靈於斯為盛中興而後
聖神代作休養生息亦既有年士嬉於
絃誦民樂於畊耘有司循行郡邑直臥
而理之優遊覆載之內孰知其功適

者水衡告急利孔四開貂璫持黃紙
錯繹於道不采金於山則權貸於市
諸嗾命者不深惟
德意一切錙銖取之吏不得職民無所
聊生毒流於衣冠而兇震於
陵寢楚俗慄悍易與為亂諸無藉不逞
之徒閭閻並起漢沔之間洵者久矣
幸
上明見萬里之外亟更置其人鏟其羽
翼為奸者特
勅部院大臣填撫之民以寧息彼一時
也中涓四出徧於十五路虐焰無所

不張臺臣日告變

上意堅持之顧於楚何汲也篇補絕武

持危定傾豈枝葉是成而綴其斧斤

廟堂之上何能一日忘根本之慮哉人臣

幸而在事值維新之會與民更始承

酷烈者易為恩代湯火者易為德

持調護與上下相安期以無負

三聖在天之靈臣亦藉手以遺於後

此幹蠱之義也作者之意豈惟紀事

之為競母寧使上焉者歷燕翼之

謀下焉者奉紀綱之後庶幾乎有基

無壞云耳不然其太則史抑又何所

取裁乎志為卷二十分類三十有九掌

故具矣地本侯封不足當列郡五百

年而

聖人作巍然

天子之都志

龍飛第一春秋之季諸姬食於楚漢晉

而下遷徙不常卿雲易於翼軫之象

為之兆矣彼疆此界舊籍可稽志沿

革第二分野第三攷古第四疆域第

五東由太室西自江陵江漢朝宗義

哉山河之固靈秀陳區非

聖人孰能當之志山川第六城郭第七

形勝第八思皇多士維周之禎况在
舊邦宜崇廟貌禮重義報非有功者
弗祀郡縣分轄各有司存鄉有聚市
有集民之所由生也志廟學第九祀
典第十公署十一鄉市十二郛為澤國
群五方之民獷悍憑陵其天性固難
誅求既竣歲有逃亡廢田下中車
魚鱉之穴供億浩繁山澤無所出產
風俗十三民數十四田賦十五徭役
十六方產十七河伯為政公私鮮年
之儲西北多山東南多水盜之藪也
誰能去兵飭厨傳治橋梁賓至如歸

民不病涉志倉儲十八兵防十九郵傳
二十津梁二十一潛污之交四顧皆水
鄉以隄為命修築無寧歲廵只之地
瑕勢且土崩志隄防二十二漢江如
帶岵山如礪分地建國諸侯王藩
政歸岳牧是在守宰庶僚秩、維
者可書志封爵二十三官秩二十四
蹟二十五世稱楚材計五郛產也
之標之莫非國棟風流儒雅為世
程自楚有騷繼美者衆美志制科二
十六人物二十七藝文二十八二氏之教
與儒者相出入為可勸善異端何有

志寺觀二十九仙釋三十獨行之士道遠
物表漢陰之野高風可尋女貞子孝
邦之紀也志高士三十一貞孝三十二青
溪傳於鬼谷玉泉著于浩然君子所
過者化何必故都史述九流不拘一
志僑寓三十三方伎三十四蘭臺
井陵谷未湮鳳港石城芳華尚在
巖邃壑峭壁崇岡三湘七澤可俯而
闕志古蹟三十五勝蹟三十六妖由人
興孽不自作五行之應蓋亦不誣朽
骨可灰高名未泐樵蘇不禁何以慰
仰止之思志祥異三十七古冢三十八

之

傳存外紀好古者所不遺要以修博
識廣異聞亦史氏之例也志雜志三
十九不佞聞之史有二難無徵者不
信不尊者不從是志也稽之故實則
聞見足徵裁之主者則耳目不貳
足術也吾請懸之國門與都人士
賜進士出身湖廣布政使司右叅議兼
按察司僉事前奉
勅提督雲南學校閩中鄧原岳撰

承天府志序

今天下郡邑莫不有志其要在正經
累徵文獻稽吏治觀民風而以時損
益之蓋諸侯三寶具矣可不謂重務
乎承天故

世宗潛龍邸也升州為府倣兩京兆

名文物非列郡所可望垂八十年

茲而志載缺焉何以示天下後世嘉

靖初嘗脩興都志而

獻

肅兩帝聖政或錯諸凡中不特書

上以體例不合報罷其後史臣別撰承

天大志則臣庶一切不錄而當官者

愈縮朒不復言志事矣吳郡孫公來

守郡之暮年慨然引為已任夫志史

也史莫善於孔子之春秋魯史耳

周天王與列國事咸在而後世推原

其意曰尊周其次司馬遷班固為

記漢書先帝紀而表志世家列傳

之未聞漢庭有異議也本朝

列聖實錄臣民率得附見要之義有

尊事無偏廢可矣於是倣龍門蘭臺

為志卷二十目四十以圖經冠其首

而

二祖封國踐祚以來諸行事關郡境者
目之曰

龍飛紀其體若史帝紀不敢以郡邑志

同也餘目曰沿革曰星野曰攷古曰

疆域曰山川曰城郭曰廟學曰形勝

曰典祀曰公署曰鄉市曰風俗曰民

數曰田賦曰徭役曰方產曰倉儲曰

兵防曰郵傳曰津梁曰隄防曰封爵

曰秩官曰制科曰宦蹟曰人物曰藝

文曰寺觀曰仙釋曰高士曰貞孝曰

僑寓曰方技曰古蹟曰勝槩曰祥異

曰古墓曰雜志其體若表志世家列

傳不得與郡邑志異也兼三才羅千

古亦既秩然燦然矣維楨卒業而竊

嘆曰莊生有言去國數日見其所知

而喜去國旬月見所嘗見於國中者

而喜暮年見似人而喜舊國舊都雖

使山林草木之縉入者十九望之猶

暢然也人情哉王道本乎人情即天

子天下為家而獨厓帝鄉之思發政

施仁立隆以為極明有等也周公傳

詩春、邠岐豐鎬之舊其大者相陰

陽歷嶽原訊卜筮宮廟門社辟雍城

洫農桑軍田蒐狩祭饗縷、陳說固

當至于陶復陶穴荒陋焉而書走馬
率許倥傯焉而書餽糧厲鍛容刀礮
鼓索綯縮版塞向堙戶虫鳥果蓏細
行小物焉而書被之管絃薦之宗廟
布之邦國使萬子孫無忘其先保世
滋大迄乎東遷悲永離懷西京而後

知周公慮深遠矣吾郡

二祖之邠岐豐鎬也神靈在天不以一

日而忘枌榆蠹茲黔首亦維是

二祖所覆露之餘也而豈其秦越視之

易曰時乘六龍以御天也雲行雨施

天下平也覽者重

龍飛之地思為油雲為時雨庶幾奉揚

二祖首善湯沐之意使湛恩汪濊比于

邠岐豐鎬卜年卜世軼姬曆而過之

詎不韙歟且夫前事之不忘後事之

師志所臚列前事晰如指掌舉而措

之易耳頃者有極人以征權阿邑

風旨而魚肉郡士民特甚内外暴其

罪

上尋悔悟召還天下始譟然誦

上甚盛德不忘故鄉繩其祖武而距脩

興都志時歲為壬寅適與今志歲合天

道六十年一周

國祚萬年無疆而升降汙隆亦後天不
違孫公之成此志也非偶然矣討論
紹述是則在後賢哉

賜進士出身中大夫河南布政使司右
叅政兼按察司僉事奉

勅督理南直隸屯種倉場驛傳糧儲

卷八

防河道整飭廬鳳滁和兵備前浙江
按察使陝西督學副使翰林院脩撰
國史官京山李維禎撰